

KOMMUNIMUT PILERSAARUMMUT TAPILIUSSAQ 4C5-1

AKO Atuarfik Hans Lyngé, Nuuk

Februaari 2018



KOMMUNEQARFIK SERMERSSOOQ
Sanarfinermut Avatangiiisnnullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq sunaava?

Kommunimut pilersaarummut tapiliussaq tassaavoq ingerlaavartumik suliarineqartartoq, taamaattumik Pilersaarusiornermut inatsit naapertorlugu (Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) naapertorlugu kommunalbestyrelse pisussaavoq, kommunimut pilersaarut pillugu pisariaqartutigit malinnaatitsissalluni. Taamatut malinnaatitsisarneq isumagineqartuarterpoq kommunimut pilersaarummut allannguutissanik imaluunniit ilanngussassanik pisariaqartunik tapiliussassaqaqtillugu.

Kommunalbestyrelse kommunimut pilersaarummut tapiliussamik nunaminertamik atuissamut sanaartukkanullu tunngasunik aalajangersagartallimmik taamaalilluni sukkulluunniit suliaqarsinnaatitaavoq. Tamatuma saniatigit Kommunalbestyrelse sukumiisumik aalajangersagartallimmik kommunimut pilersaarummut tapiliortussaataavoq:

- Nuna tamakkerlugu pilersaarusiornernup kommunillu pilersaarusiornernata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliussaq marlunnik immikkoortortaqaqpoq, **nassuiaat** aamma **maleruaqqusanut** tunngasut.

- **Nassuiaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut nassuiarneqarput.
- **Malittarisassartaani** pilersaarutip piviusunngortinnissaanut atatillugu, aalajangersakkat malinneqarnissaat allassimavoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigit nunap assingi ilanngussat attuumassuteqartut, aalajangersagartaaniipput.

Tamanut nalunaarut

Kommunimut pilersaarummut tapiliussaq 4C5-1 inaarutaasumik atuutilersutut tamanut nalunaarutigineqarpoq ulloq 14.03.2018

**Kommuneqarfik Sermersooq
Sanarfinermut Avatangiisinullu Ingerlatsivik
Postboks 1005
3900 Nuuk**

Pilersaarut sumi atuarneqarsinnaava?

Pilersaarut Nunatta Atuagaateqarfiani imaluunniit kommunip nittartagaani www.sermersooq.gl-imi atuarneqarsinnaavoq, kommunip innuttaasunut sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31.

IMARISAI


1	NASSUIAAT	4
1.1	PILERSAARUSIORFIK	4
1.2	SIUNERTAA TUNNGAVIILU	5
1.3	PISSUTSIT ATUUTTUT	5
1.4	PILERSAARUMMI PINGAARNERIT	5
1.5	PILERSAARUMMUT TAPILIUSSAP INATSISITIGUT ATUUFFII	6
2	AALAJANGERSAKKAT	7
2.1	PINGAARNERTUT AALAJANGERSAKKAT	7
2.2	AALAJANGERSAKKAT SUKUMIISUT	9
3	AKUERSINERMUT UPPERNARSAAT	13
4	ASSI ILANNGUSSAQ	14

1 NASSUIAAT

Una tapiliussaq immuni kommunimut pilersaarummut tapiliussat 37-saat uunga "Nuummot pingaarnertut aqqissuussaq nutaaq"-mut pilersaarummut ilanngunneqarpoq. Kommunip pilersaarutaanut tapiliussani 37-ni nunaminertat tamarmik pilersaarummut Nuuk City Developmentimut (NCD) ilaapput, aamma nunaminertat tunniunneqartut kommunip illoqarfimmik ineriartortitsinermut suliniutaanut toqqaannartumik tunniunneqarlutik. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannanngitsumilluunniit 100 procentimik pigineqartunut ineriartortitsinermut peqatigiiffiusunik atorineqarsinnaavoq siunertanut pisortatigoortumik atugassatut siunertanulluunniit namminersortunit atugassatut.

1.1 PILERSAARUSIORFIK

Immikkoortoq illoqarfiup ilaani Qinngutsinniippoq – Atuarfik Hans Lyngø eqqaani – atuarfiup kujammut killeqarfianut Hans Lyngøllu Aqqusernganit kimmot sammisumi. Avammot sammisua Pisissip Quassussuullu avammot sammisuata tungaanut killeqarfeqarpoq, Pisisseq qaqqarlu Ukkusissat kangimut sammisumi inissisimapput.



Ilisarnaatinut nassuiaatit

- | | | |
|------------------------------|----------------------|---|
| Immikkoortup ilaa pioreersoq | Inissiaqarfik A | Nunaminertaq sanaartorfigeqqusaanngitsoq D |
| Immikkoortup ilaa nutaaq | Siliffeqarfeqarfik B | Teknikkikkut atororissaarutit kiisalu attaveqaatitigut atororissaarutit E |
| Inissiat/illut pioreersut | Illoqarfiup qeqqa C | |

Pioreersunut killigittat immikkoortullu ilaa nutaaq titarnernik aappaluttunik ilisarnaateqarput.

Kommunimut pilersaarummut tapiliussaq Kommuneqarfik Sermersuumut Kommunimut pilersaarut 2028-mut, ilutsini pingaarnerni ataatsimoorussassatut

siunertatut isikkoqartunut, qiterisaqarfittut siunertanut atugassiissutigineqartoq, ilaatinneqarpoq.

Kommunimut pilersaarummut tapiliassaq atorlugu immikkoortup ilaanik nutaamik inissiisoqassaaq, immikkoortullu atuuffia qitiusunngortinneqassalluni tamanut atuuffiususaaq.

1.2 SIUNERTAA TUNNGAVIILU

Kommunimut pilersaarummut tapiliussaq suliarineqarsimavoq AKO-mik (Atuareernerup Kingorna Ornittakkat) Atuarfik Hans Lyngemut atasoq pilersissinnaajumallugu.

Kommunimut pilersaarummut tapiliussami tunngaviit tassaapput:

- Immikkoortup ilaata qitiusutut atorneqarnissaa aalajangiunniarlugu
- AKO-p pilersinneqarnissaa piviusunngortinniarlugu
- Immikkoortoq, pioreersut avatangiisillu eqqarsaatigalugit aalajangiiffigineqassasoq
- Meeqqat AKO-miittut Atuarfik Hans Lyngemiittullu tamarmik pitsaasunik atorluarsinnaasunillu aneerfissaqarnissaat qularnaarneqassasoq
- Hans Lyngep Akqusernganit immikkoortumut akquteqarnissaa qularnaarneqassasoq, assi ilanngusaaq 4C5 takuuk

1.3 PISSUTSIT ATUUTTUT

Immikkoortup ilaa katillugu 1,8 ha-nik nunaminertaqarpoq. Nuna manissutut isikkoqarpoq, kote 36 aamma 34-p manissuseqarluni sanaartorfiunanilu. Immikkoortoq Atuarfik Hans Lyngep qaqqallu Ukkusissat naqqani nunami naggorissumi, imeqarfimmit Qallussuarmit kuuttumit pilersinneqartumi inissisimavoq.

Immikkoortup qanittuani sanaartorfiusup kujataani Atuarfik Hans Lyngø ilaavoq. Kangimut kimmullu immikkoortoq akqusinernit Hans Lyngep Akqusernganit aamma Pisissermit killilerneqarsimavoq . Atuarfik Hans Lyngø, Nuummi kommunip atuarkiisa tallimaasut ilagaat. Atuarfik 2011-mi pilersinneqartoq nutaajunerpaavoq, ullumikkullu 450-t missaannik atuortoqarluni 40-t missaannik ilinniartitsisoqarluni.

1.4 PILERSAARUMMI PINGAARNERIT

Kommunimut pilersaarummut tapiliussaq immikkoortup ilaata ataatsimut siunertarineqartumut, pisortanit soorlu AKO-nut assigisaannullu atorneqartarnissaanut aalajangersaasuusaaq. Taassuma saniatigut atuuttunut

ilaasutut aneertarfiit, timersornermut sammisaqarnermullu inissaq, biilnut inissiivimmik allanillu pilersitsisoqarsinnaavoq.

Immikkoortumi AKO-mut nutaamik sanaartorfiusussamik 2.500 m²-mik periarfissiisoqarpoq. Inissianut atasunik silami aneerfissanik sanasoqassaaq, tassanilu pinnguarterfik arsaaffik allallu sanaartorneqassapput, AKO-mut sanaartornermi ataatsimut angissutsip 40 %-ani.

1.5 PILERSAARUMMUT TAPILIUSSAP INATSISITIGUT ATUUFFII

Inaarutaasumik inatsisitigut sunniutit

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerni. (*Pilersaarnermut inatsimmi § 29*)

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (*Pilersaarusiornermut inatsimmi § 30*)

Pisulli ilaanni aalajangersakkanit sukumiisunit nikingasoornerut annikinnerusunut immikkut ittumik akuersissuteqartoqarsinnaasarpog. Nikingasoornerit pingaarnert aamma aalajangersakkanit pingaarnert nikingasoornerit pissutigalugit nutaamik kommunimut pilersaarummut tapiliussaliortoqassaaq. (*Pilersaarusiornermut inatsimmi § 50*)

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allanngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummi ilaatinneqartut, pilersinneqassasut.

2 AALAJANGERSAKKAT

Matumuuna "Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiortarneq pillugu inatsit) kingusinnerusuk allannguutitalik naapertorlugu aalajangersakkat tullinnguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnertut pilersaarummi tunngaviummik tunngaviupput taamaattumillu aalajangersakkanit taakkunannga immikkut ittumik akuersissuteqartoqarsinnaanngilaq.

2.1 PINGAARNERTUT AALAJANGERSAKKAT

MAANNA PINGAARNERTUT AALAJANGERSAKKAT	PINGAARNERTUT AALAJANGERSAKKAT NUTAAT
Immikkoortup ilaata killeqarfilersorneqarnera	
	
1. Siunertaq	
Qeqqani siunertaq	Nalinginnaasumik atuineq: C – Qeqqani siunertanut Immikkut ittumik atuineq: C2 - Ataatsimut siunertarisaq

2. Atorneqarnera	
Immikkoortup atorneqarnera atugassanik pisiniartarnerup iluani pisiniarfissuaqarnermut, tamat aqqusaartugassaannut namminersortullu kiffartuussinerannut, inissiaateqarnerannut, akunnittarfeqarnerannut, neriniartarfeqarnerannut kiisalu pisortat allaffeqarfiinut suliffeqarfiinullu aalajangersarneqassaaq.	Immikkoortup atorneqarnera AKO-mut (Atuareernerup Kingorna Ornittakkat) assigisaanullu taamatullu atorneqartartunut, ataatsimut siunertalimmut aalajangerneqassaaq.
3. Sanaartukkat	
Quleriit arfinillit angullugit portutigisunik illuliortoqarsinnaavoq. Nutaanik sanaartornermi, immikkoortup nunataata inissisimaneranik eqqarsaatiginnilluni ilusilersuisoqassaaq.	Quleriit pingasut angullugit portutigisunik illuliortoqarsinnaavoq.
4. Inissaqassuseq	
Sumiiffik tamakkiisumik sanaartorfigineqarsimavoq inissamik sinnerutsitsisoqarani.	Immikkoortup ilaa 1,8 ha-t missaannik annertussuseqarpoq. Immikkoortoq inissianut 2.500 m ² -mut inissaqarpoq, illuliat inaarutaasumik ilusilersorneqarnerat apeqqutaatillugu. Matuma qulaani sanaartorfissat atorneqareerpata, immikkoortoq tamakkerluni sanaartorfigineqareersutut sinneruttunillu inissaqartitsiffiunngitsutut isigineqalissaaq.
5. Eriagisariaqartut	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
6. Nunaminertat piumasaqaatitaqarfiusut	
Immikkut ittunik killeqarfiliussaqaarpoq mittarfiup tallilernerqarnerani mikkiartornermi qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmut aporfeqanngitsup ataaniippoq narlorissullu inissisimanerata ilaanut ilaalluni, tassanilu illut nunamiit illuliat nuuata tungaanut 127,5 qaangerlugu sanaartoqqusaanatik aqquserngillu sanaartorneqarnerini 121,5 qaangeqqusaanagu.	Immikkut ittunik killeqarfiliussaqaarpoq mittarfiup tallilernerqarnerani mikkiartornermi qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmut aporfeqanngitsup ataaniippoq narlorissullu inissisimanerata ilaanut ilaalluni, tassanilu illut nunamiit illuliat nuuisa tungaannut 127,5 qaangerlugu sanaartoqqusaanatik aqquserngillu sanaartorneqarnerini 121,5 qaangeqqusaanngilaq.

7. Aqqusinertigut angallanneq teknikkikkullu pilersuinerit	
Immikkoortoq Unaamit aamma Hans Lyngep Aqqusernganit aqquteqassaaq.	Immikkoortoq Hans Lyngep Aqqusernganit aqquteqassaaq.
8. Illoqarfimmik nutarterineq	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
9. Immikkoortukkuutaat	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>

2.2 AALAJANGERSAKKAT SUKUMIISUT

Immikkoortoq immikkuualuttumut ataatsimut agguarneqassaaq, assitut ilanngussami takutinneqartutut. Immikkuualuttumut nutaamut, aalajangersakkanik sukumiisunik nutaanik aalajangiisoqassaaq.

Aalajangersakkat sukumiisut assigiinngiiaartunut tunngapput, ilaatigut sanaartornermut nunaminertanullu sanaartorfiunngitsunut tunngassuteqarluni. Immikkut pisoqartillugu, aalajangersakkanik sukumiisunit immikkut akuersissuteqartoqarsinnaavoq.

Immikkuualuttoq 1
1. Inissialiat inissinneqarnerat
Imm. 1: Sanaartukkat inissialiillu nutaat assimi ilanngussami 4C5-mi sanaartorfittut takutinneqartutut inissinneqassapput. Tamanna aamma illunut mikinerusunut soorlu sikkiliisivinnut, sakkuusivinnut, teknikkimut atortuusivinnut/atortulersuutinut assigisaannullu atuuppoq. Imm. 2: Sanaartukkat nutaat 1-3-nik qulereeqsinnaapput, portunerpaamik 12 meterit angullugit. Teknikkikkut atortulersuutit soorlu silaannarissarfiit, elevatorit assigisaallu portussutsinik killilersuinernut ilaatinneqanngillat.
2. Inissialiat isikkui
Imm. 1: Nutaanik sanaartornerit avatangiisiniittut eqqarsaatigalugit ilusilersorneqarlutillu immikkut akuerineqassapput, atuarfiullu AHL-ip illutaata titartarneqarneranut atassalluni. Imm. 2: Sanaartorfissani ataasiakkaani illuliat illulioriaaseq, atortussat qalipaattillu eqqarsaatigalugit ataatsimoortutut isikkoqartinneqassapput. Imm. 3: Illuliat – tassunga ilanngullugit quit assigisaallu – atortussat soorlu qisuit, igalaamerngit, eternit, savimerngit, ujaqqat, zink, aluminium, sisak betoniluunniit atorlugit sanaajussapput. Eqqaamiut saneqquasullu eqqarsaatigalugit illut silataasa iigai qinngorneqarlutik inngianartuussanngillat. Imm. 4: Qaliat qaavi minnerpaamik gradinik sisamanik uingatillugit aamma qalissiamik taartumik, zinkimik, kanngussamik, qisunnilluunniit qalliuserlugit qaliat qaavisut qorsuusutut ilusilersorneqassapput (issuatsiaanik ivikkanilluunniit) inngiasutsitsissanngillalli. Tamakkunannga ilanngutinngitsuukkat tassaasinnaapput aneerasaartarfiit assigisaallu atortussiat allat atorlugit uinganeqanngitsunillu sananeqarsinnaasut. Aniinganerusinnaasut, qaliat igalaarisinnaasaat assigisaallu qaliat qaavini naleqquttumik inissinneqassapput.

Imm. 5: Seqerngup qinngornerinik katersuissutit, seqinisaatit assigisaallu illup qaliata iigaataluunniit ilaatut ilanngunneqarsinnaapput aamma eqqaamiunut saneqquasunullu inngiasutsitsissanngillat, imm. 2.3 takuuk.

Imm. 6: Tummeqqat qalialiartarfiit illup timitaanut ilaatinneqassapput.

Imm. 7: Silaannarissarfiit, elevatorit, pujoorfiit assigisaallu illup titartarneqarnerata ilaatut ilanngunneqassapput. Taamaattumik silaannarissarfiit motoorii illumi illulluunniit silataanni takussaasumut inissinneqassanngillat.

Imm. 8: Allagartarsuit illup ilusaa titartarneqarneralu naapertorlugit ilusilersorneqassapput. Allannerisa angissusaasa 2 m²-it sinneqassappata ikkussinissamut Kommuneqarfik Sermersuumut qinnuteqaateqartoqassaaq.

Imm. 9: Illut silataat ullup unnuallu ingerlanerani matoqqasunik assiaquteqartinneqartassanngillat. Igalaat ungataanni ungaluusat nuunneqarsinnaasut akuerineqarsinnaapput.

3. Akquserngit akqusineeqqallu

Imm. 1: Akqusernit Hans Lyngø Akqusernganit akquteqassapput, assi ilanngussaq 4C5 tunngaviusoq takuuk.

Imm. 2: Immikkoortut akqusineeqqallu qanittumiittut atorineqartarnissaat qularnaarneqassaaq. Akqusineeqqat sapinngisaq tamaat nunamut allannortiterneqanngitsumut naleqqussarneqassapput, taamaattorli tikikkuminarnissaat eqqarsaatigineqassaaq.

Imm. 3: Immikkoortumi kommunimut pilersaarummi aalajangersakkat nalinginnaasut naapertorlugit biilnut inissiisarfiortoqassaaq.

Ataatsimut biilnut unittarfiiornermut tunngatillugu elbiilnut immiisarfissanik nappaasoqarnissaa periarfissaqassaaq.

Taamatuttaaq sikkilnut inissiivimmik qulisamik naammaginatut angissusilimmik pilersitsisoqassaaq.

Imm. 4: Akqusernit aalajangersimasunik titarnilersugaapput (immikkut ittumik killeqarfiussat), inissialorfiusut sanaartorfiillu akquserngup qeqqaniit 20,0 meterinik qaninnerusumik akqusernermut atalersumut Pisissip aamma Hans Lyngø Akquserngata tungaanoortut, immikkoortullu ilaanut akqusernup qeqqanit 7,5 meterinik qaninnerusumut akqusinerineqalersunut inissinneqassanngillat.

4. Nunaminertat sanaartorfigineqanngitsut sunngiffimmilu atortulersuutit

Imm. 1: Nunaminertat sanaartorfigineqanngitsut, sammisassanut aamma pinnguarterfittut, arsaaffittut assigisaannillu aneerfissatut inissinneqassapput.

Nunaminertat sanaartorfigeqqusaanngitsut uninngatitat sanaartorfigineqarsinnaanngillat, taamaallaalli ingerlatsinerimut pisariaqartunik illunut atuuttunut tunngasunik sanaartorfiusinnaapput.

Imm. 2: Immikkoortumut atuuttumut tunngassutilimmik aneerfissamik kisitsisiliussat tunngavigalugit pilersitsisoqarsinnaavoq:

- AKO: angissusiliunneqartup ataatsimut angissusaata 40 %-ia

Tamakku seqerngup sammivia uningaartarfiillu pitsaassusii eqqarsaatigalugit inissinneqassapput.

Imm. 3: Immikkoortut akqusinernut, akqusineeqqanut, biilnut inissiisarfinnut aamma ataatsimoorullugit uninngaartarfinnut atugassiissutigineqarsimanngitsut sanaartorfigineqassanngillat aammalu uninngaartarfinnut pinngortitatut isikkoqartut atugassiissutigineqassallutik.

5. Teknikkimut atortulersuutit
Imm. 1: Inissialiat nutaat pisortat innaallagissamut imermullu aqqutaataannut aamma kuuffissuaataannut attavilerneqassapput. Imm. 2: Imikoq qasertoq imikorlu tamarmik kuuffissuakkut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusinernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput. Imm. 3: Pilersuinerneq aqqutit tamarmik nunap iluatigoortinneqassapput. Ledninginik inuup allap allanngortiterisinnaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq. Imm. 4: Immikkoortup ilaani teknikikkut atortulersuutit immikkoortup ilaanik pilersuinerneq atortut soorlu sakkortusaaviit, biilnut innaallagissamik ingerlatilinnut immiissutit assigisaallu inissinneqarsinnaapput. Teknikkimut atortulersuutit Nukissiorfiit aamma Kommuneqarfik Sermersooq siunersiorlugu aamma atortut kusanaaqutaanngitsumik inissinneqassapput.
6. Nunaminertat sanaartorfigineqanngitsut
Imm. 1: Illuliat nutaat sapinngisamik nuna allanngortinnagu naleqqussarneqassapput. Teknikkikkut imminut illersorsinnaasumik illuliornissaq eqqarsaatigalugu pisariaqartitsineq taamaallaat naapertorlugu nunamik allannguisoqassaaq. Imm. 2: Assimi ilanngussami 4C5-mi takutinneqartutut sanaartorfinni nunaminertanilu aqqusinernut, biilnut inissiisarfinnut assigisaannullu atorneqartuni pisariaqartinneqartumik nunagissaasoqarsinnaavoq. Imm. 3: Immikkoortup ilaani naasooreersut sapinngisamik paariinnarneqassapput aammalu ajornanngippat inaalinneqassallutik, taamaalillutik sanaartortoqareerpat ilusaattut ilerseqqinneqarsinnaaniassammata. Imm. 4: Immikkoortup ilaa qaartiternerlukunik qaartiterinermi assartuinermiluunniit siammarsimasinnaasunik salinneqassaaq. Imm. 5: Nunaminertat sanaartorfigineqanngitsut saligaatsuutinneqassapput eqqiluitsuutinneqarlutillu. Silami inaalitsisoqaaqusaanngilaq.
7. Eriagisassaq
<i>Immikkut ittunik aalajangersagaqanngilaq</i>
8. Pinngortitap illersorneqarnissaanik soqutiginninnerit
<i>Immikkut ittunik aalajangersagaqanngilaq</i>
9. Nunaleraluni nunamik atuinissamik soqutiginninnerit
<i>Immikkut ittunik aalajangersagaqanngilaq</i>
10. Ataatsimut atortulersuutit
Imm. 1: Immikkoortumi 3.3-mi biilnut inissiisarfiliornissat pillugit aalajangersakkat takukkit. Imm. 2: Immikkoortut 4.1 aamma 4.2. silami uninngaarfiit pillugit aalajangersakkat takukkit.

11. Piginnittut peqatigiiffii
<i>Immikkut ittunik aalajangersagaqanngilaq</i>
12. Avatangiisinik mingutsitsinermi killissarititaasut
Imm. 1: Immikkoortup ilaani eqqaavinnut eqqakkanut atugassanik inissiiffissanik nunaminertanik inniminniisoqassaaq.
13. Illut nukissiuutitik atuinikitsut
<i>Immikkut ittunik aalajangersagaqanngilaq</i>
14. Atuinissamut piumasaqaatit
Imm. 1: Imatut pisoqaqqaartinnagu illuliat nutaat iserterfigineqassanngillat: • immikkoortoq 3 naapertorlugu biilnut inissiisarfiliorneq. • immikkoortoq 4 naapertorlugu silami uninngaarfinnik pilersitsineq. • pisortat pilersuutaannut attavilernerit. • inaarutaasumik nunagissaanerit naammassineqarnerat. Piffissap sanaartorfiusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput.

3 AKUERSINERMUT UPPERNARSAAT

Kommunit pilersaarummut tapiliussaq una 4C5-1 AKO Atuarfik Hans Lyngø, Nuuk, matumuuna
Kommuneqarfik Sermersuup Kommunalbestyrelsanit akuersissutigineqarpoq ulloq 20.02.2018

Kommuneqarfik Sermersuup ulloq 13-2018




Asii Chemnitz Narup
Borgmesteri

/



Lars Møller Sørensen
Kommunaldirektøri

Ulloq 14.03.2018 inaarutaasumik atuutilersutut tamanut nalunaarutigineqarpoq.



KOMMUNEQARFIK SERMERSOOQ
Sanarfinermut Avatangiiisnullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 4C5-I
Kommuneplantillæg 4C5-I

Ilanngussaq I, Immikkoortoq 4C5
Bilag I, Delområde 4C5
Februaari 2018 / Februar 2018
Uutuut 1:2000 / Mål 1:2000
A4